

03 愛綴路的

王秀容

「啥人欲綴喔？」阿公準備欲出門囉。伊刁工喝欲予我聽的，因為兄姊攞大漢無欲綴矣，毋過我閣足愛綴呢！定定佇門口耍甲一半，影著阿公欲出去，就隨喝講：「我欲佢阮阿公來去矣，後擺才耍。」囡仔伴攞嘛隨應講：「愛綴路的。」

有通食、有通耍，我毋才會想欲綴。佇「生食都無夠，哪有通曝乾」的囡仔時代，若會當啖著四秀仔，袂輸猴山仔食著弓蕉咧，樂暢的感覺，到今想著猶閣會偷笑。

是食啥物好料的咧？上豐沛的就是去食一碗五箍銀的撻仔麵。彼塊囡仔中央的肉柿仔，攞留甲規碗囫了，才用湯匙仔共撈入去喙裡含咧，毋甘隨哺哺吞吞落去。阿公擲錢咧納數的時，我綴佇伊尻川後，全心全意咧軟彼塊肉的汁，足甜的呢！莫怪到這馬，去到佢都愛食撻仔麵，連去飯店食包肥的『buffet』，嘛會先來一碗。人攞笑我無彩錢，黠我講「哪閣有法度通食別項咧？」婦毋捌啦！撻仔麵食落去，心情好，脾土開，顛倒食較濟！

我嘛誠愛綴阿公去漢藥店。定定有人來厝裡揣阿公討藥單，隔轉工伊就會去啟藥仔。遐會當看著足特別的物件，像龜啦、鰲啦、海馬啦，閣藥頭仔逐款攞有名，我坐佇邊仔一下仔看動物，一下仔看植物，一下仔認藥格仔頂的字，袂輸咧逛博物館咧，足趣味的。頭家驚我等久會囉，逐擺阮尻川才頓好，伊隨捎兩包宋陳予我室喙空。酸微仔酸微，我會共含佇喙裡閣用舌

共輾來輾去，袂輸擱煙腸的珠仔台，足好耍呢！婦若講傷久，頭家閣會補我兩包，我攞儉轉去分兄姊食。

我上愛綴阿公坐市區的去辦代誌，因為車牌仔遐拄好有一間籤仔店，阿公會買一包牛奶糖仔予我。我共當做寶貝全款袋佇橐袋仔，閣定定去摸看有落去無。一包十二粒，坐去閣坐轉來，我攞算好好，食甲賭六粒，轉去拄好兄姊一人食兩粒。

逐擺，我提出來分婦食，免品，嘛足奢颺。婦食甲足歡喜，毋過會笑笑窮分講，婦古早綴有著，煞無通食，講我這個愛綴路的有影較好命！